

1 PETERO

Pepa Petero ingere muŋga panzi kalo-tawana tamâta

Petero nde toŋge lâ kinzi pâri-tamâta saŋao kanajonzi rua. Yesu muŋga wurâta ilua i ŋana ipu tini kaika panzi kalo-tawana tamâta (Luka 22:31-32), kala Petero uru iveta mine nâ panzi Juda tamâta ŋinde kalonzi tawana Yesu (Galesia2:9). Petero imo Rom lawea, aku ingere ŋgua ŋine ilâ panzi kalo-tawana tamâta simo pwapwataki lâ Esia tâno (1:1). Lâ zo ŋinde kinzi sikai nâna ŋalae ŋana nenzi kalo-tawana kâ, kala Petero itu kinzi ma simandi kaika, ŋana tu Yesu Kirisi ilo ndo keno panzi ku ma iveta kie ara panzi. Lâ Yesu ne zo ŋana itaulo imâ kilo kâ, ande kinda kalo-tawana tamâta rârâni ma tamo ara nâ.

¹ Naŋa Petero, naŋa nde Yesu Kirisi ne pâri-tamâta. Naŋa aŋgere ŋgua lâ pepa ŋine tini imâ pa miki Maro Kindeni ne tamâta kamo kakura nia nia katogo lombo mine, lâ Pontus tâno wa Galesia tâno wa Kapadosia tâno wa Esia tâno wa Bitinia tâno wa.

² Nia ndoyo kinda Tamânda Maro Kindeni isama tu i ma muli ipateami tu kapâŋga i tamwata ne tamâta. Koroani Sapâŋa ivilami lâ, aku iveta miki kapâŋga ŋgu sapâŋa. Mine kala Maro Kindeni ilo tu miki ma kaponu muli pa Yesu Kirisi nâ, aku i ilo tu Yesu Kirisi see ma izavaru nemi kiesaka piti lâ tinimi ku ivetami kapâŋga ilomi mbâra-mbâra ndo lâ i nao.

Maro Kindeni ne wisi-wisi wa wisi-pisi wa imâ ñalae tina pami.

Kinda ma takai via ara ndo lâ samba lawea

³ Kinda nenda Maro Yesu Kirisi tama Maro Kindeni, i ne kalo sukâña ikeno ñalae pa kinda. Mine kala ipaño Yesu Kirisi lâ mateña nianzi imo via kilo, kala via wasaseki ilua kinda lâ. Mine kala kinda tamo tao tininda pa Maro Kindeni tu ma iveta vetâña arara pa kinda, ikura i muña iporo tu ma iveta mine.

⁴ I uru ikatona vetâña arara ñinde indamwa miki lâ samba ilo. Vetâña arara ñinde nde ñana ipayaula kê, ande tia. Ñinde nde zuzuli ndo, aku ma marumbu tia ndo.

⁵ Miki nemi kalo-tawana ikeno pa Yesu Kirisi. Mine kala Maro Kindeni tamwata ne walo kaika ñinde ikea ñanami. I ne pateña ikeno mine: lâ zo muli ñana tâno ne zo marumbu kê, ande i ma iyautemi piti lâ kazâña ilo ku iveta miki kamo ara ndo.

⁶ Miki uru kalomi ñgere ñana ñinde kê, aku ñinde iveta miki kandeka ñalae. Taitu lâ zo ñine, ikura zo mbwana-mbwana nâ, ande malia kie-kie ipânga pami ku iveta ilomi malia.

⁷ Maro Kindeni ipatea tu malia ñinde ma ikai samâña pami ñana nemi kalo-tawana kê. Kinda tasama tu mira “gol” nde kelekele ara, andeta kinzi sikai samâña papa mira ñinde ku simomo lâ yââ ilo, ñana yââ ma ikana muso ndia piti lâ mira ilo, aku iveta mira ipânga zuzuli ndo. Anğa miki nemi kalo-tawana nde kelekele ara ndo, ipole mira “gol” ñinde, ñana tu mira “gol” nde kelekele ñana nao tia kê. Mine nde

miki kalonjo nga; ambo vetânga kie-kie mine ma ipângga nana ikai samânga pami, ande ninde nde nana iveta nemi kalo-tawana ipângga kelekele ara ndo. Ambo miki nemi kalo-tawana ma ikeno kaika, ninennga lâ zo nana Yesu Kirisi ma ipângga nia yo, ande i ma indekanami ku iporo ngua ara ndo nangani.

⁸ Miki nandai kamora Yesu Kirisi nao nga, andeta ilomi ndo keno papa i nâ. Aku lâ zo nîne kala mine nâ, ande miki kakura tu kamora i nao nde tia, andeta kalomi tawana i ku kamo kandeka nâ. Ndekânga ninde nde njalae tina, ipole tâno nîne ne ndekânga rârâni. Aku ngua tonje ikeno nana itula ndekânga ninde kilala pwataki kê, ande tia ndo.

⁹ Ndekânga ninde ne duvi nde mine; miki nemi kalo-tawana ikeno pa Yesu Kirisi, aku nana ninde kê Maro Kindeni ikaimi piti lâ kondoma ilo.

¹⁰ Munnga, kinzi ngua-tulânga tamâta situla ngua pwataki nana via mao ninde Maro Kindeni ipatea pami lâ. Via ninde itula Maro Kindeni ne wisi-wisi ipângga nia yo. Kinzi ngua-tulânga tamâta ninde siroto kaika nana sisânda Maro Kindeni kawa ngua ninde duvi kê.

¹¹ Kirisi ne Koroani ipaipa kunzi ngua-tulânga tamâta ninde, aku itula ngua pwataki lâ kawanzi nana Maro Kindeni ne Pateânga Tamâta. Iporo tu Pateânga Tamâta ninde ma ikai nâna munnga lâ, ninennga ma ikai noa njalae. Aku kinzi ngua-tulânga tamâta ninde siroto njalae nana sisama vetânga ninde ne zo wa mâsi nana ipângga kê.

¹² Maro Kindeni itula duvi pwataki panzi lâ. Itula panzi tu vetâña uru siporo ñana ñinde, ande ma ipânga lâ kinzi warakanzi nenzi zo, ande tia. Kinzi nenzi ñgua ñinde nde ñana via ñinde Maro Kindeni ipatea tu ma ilua miki. Kala ñine Maro Kindeni isupwa ne Koroani Sapâña iyoka pa samba indue imâ, aku i walo îlanzi tamâta pinde ñana situla pâri ara ndainani nâ pwataki pami. Kinzi aņelo situ sisama vetâña ñinde duvi, andeta kinzi kala sikura tia mine nâ.

Maro Kindeni ilo tu kinda ma tininda piti ndo ñana kiesaka kâ

¹³ Mine kala ikura zo zo, ambo miki ma kapaveta nemi ilo-kalo sondo nâ, ku kapakatonâ warakami sondo ñana nemi vetâña wa saņonâña wa, ande ñinde ma ara ndo. Aku ara ñana miki ma kalomi tawana tu Maro Kindeni ma iveta vetâña arara ñinde pami, lâ zo ñana Yesu Kirisi ma imâ ipânga nia yo kâ.

¹⁴ Aku ara ñana miki ma kapaveta kuku Maro Kindeni kawa ñgua rârâni, itogo kinzi lâlu kiri-kiri arara uru siveta mine. Nia ndoyo, miki ñandai kasama Maro Kindeni kilala sondo ñga, kala miki kapono muli pa ilo-kalo wa vetâña sakamao nâ. Aņga lâ zo ñine, ande miki ma kapaveta kuku vetâña mine kilo ndimo.

¹⁵ Maro Kindeni muņgani isarawami tu ma kalomi tawana Yesu Kirisi. Maro Kindeni imo sapâña; mine nde ara ñana miki warakami taitutaitu kala ma kamo sapâña mine nâ.

¹⁶ Nana tu Maro Kindeni ne tukuŋa ikeno lâ pepa tini mine tu, “Naŋa amo sapâŋa; mine nde miki kala ma kamo sapâŋa mine nâ”.

Maro Kindeni io kulu ŋalae tina ŋana iko kindi piti lâ vetâŋa kaa kaa ilo

¹⁷ Lâ zo ŋana miki kakai noŋa pa Maro Kindeni kâ, ande miki uru kapatu i ŋa tu “Maka Tamama”. Aku kindi Tamânda ŋinde uru ilea pa kindi rârâni taitu-taitu nenda vetâŋa muŋga lâ, ŋineŋga ipa ŋgua ŋana pareŋa-nia kâ pa kindi. Aku iveta vetâŋa ŋine sondu ndo. Mine kala miki ma kamege ndo ŋana Maro Kindeni kâ, ikura zo rârâni miki kamo lombo nâ lâ tâno ŋine kulu.

¹⁸ Nana tu muŋgani miki kapono muli pa vetâŋa kaa kaa miki timbumi uru siveta ku situla pami ŋinde. Andeta Maro Kindeni iko miki piti lâ vetâŋa kaa kaa ŋinde ilo marumbu lâ. Aku miki kasama tu i ŋandai io tâno ne kelekele pinde, itogo mira “silva” wa “gol” wa, ŋana iko miki piti kâ. Kelekele rârâni ŋinde nde ŋana naonzi tia kâ.

¹⁹ Andeta i ipaliŋi Yesu Kirisi see ŋana iko miki piti lâ vetâŋa ŋinde ilo. Kirisi see ŋinde nde itogo kelekele kulu ŋalae tina. Kirisi nde itogo lama ara ndo, i tini nzimba wa mbwatakâe wa tia ndo.

²⁰ Nia ndoyo, lâ zo ŋinde Maro Kindeni ipulia tâno ŋine ipâŋga tia yo yo, ande i ne pateŋga ŋana Kirisi kâ nde ikeno mine nâ. Kala ŋine, ande zo imâ ipâŋga laiti ŋana tâno ne zo marumbu kâ, aku Maro Kindeni itula Yesu Kirisi ipâŋga nia yo ŋana ivilami kâ.

²¹ Miki kalomi tawana Yesu Kirisi. Mine kala nemi kalo-tawana ilâ mao pa Maro Kindeni tona, inani muŋga ipaŋo Kirisi lâ materja nianzi, aku isuka i ŋa kâki ndo. Mine nde miki kalomi tawana Maro Kindeni, aku uru kao tinimi ŋana i tu ma iveta vetâŋa rârâni i muŋga ipa ŋgua tu ma iveta ŋinde.

Kinda ma tininda mwasa nâ panzi kalotawana tamâta

²² Miki kapaveta kuku Maro Kindeni ne ŋgua mao ŋinde lâ, aku nemi vetâŋa ŋinde izavaru kiesaka ne muso piti lâ tinimi. Mine kala miki uru tinimi mwasa nâ panzi nimi-nambwe kalotawana tamâta. Andeta naŋa apaimi tu ara ŋana miki ma kao ilomi ndo ilâ mao nâ panzi.

²³ Ŋana tu kinda Tamânda Maro Kindeni via wasaseki ilua miki lâ. I ŋana nao tia kâ, ande tia, aku i kawa ŋgua kala uru imo mine ku imo nâ. I kawa ŋgua ŋinde via mao ilua miki lâ.

²⁴ Ŋana tu Maro Kindeni kawa ŋgua ikeno lâ pepa tini mine tu,

“ Tamâta rârâni uru simo zo luandondo lâ tâno kulu, ande tia. Kinzi ma naonzi tia walele nâ, sitogo unza mine. Aku kinzi ŋanzi tava parinanzi ma imbe ndue lâ, itogo mâle uru siyauru sindue mine. Tâno ŋine ne unza uru sipâŋga ŋgâla-ŋgâla,

‘aku ne mâle uru siyauru sindue;

²⁵ aŋga Maro Ŋalae kawa ŋgua ma ikeno kaika mine ku imo nâ.”

Tamâta pinde muŋga situla ŋgua ndainani nâ pa miki kaloŋo lâ.

2

Maro Njalae nde itogo mira via kâ

¹ Miki nde kakai via waşaseki marumbu lâ. Mine kala ara ŋana miki ma kapile vetâŋa potomule rârâni. Miki ma kapile mâsi ŋana wisimi nâna kâ, aŋga mâsi ŋana kaporo ŋgua laŋeŋa kâ, aŋga mâsi ŋana kakai laŋeŋa kie-kie panzi tamâta kâ, aŋga mâsi ŋana ilomi yosi ŋana tamâta nenzi kelekele kâ, aŋga mâsi ŋana kaporo ŋgua nao-muli kie-kie kâ.

² Miki kasama tu kinzi lâlu puro-puro uru ilonzi ndo tu sinu suu. Aku mine nâ, ara ŋana miki kala ma ilomi ndo pa kâpwa ŋinde Maro Kindeni uru ilami. Kâpwa ŋinde nde ara ndo, aku uru ivila nemi kalo-tawana ŋana itumbu lee, ikura lâ zo ndia Maro Kindeni ma ikai miki kataulo kalâ pa i kilo.

³ Miki kapanâna lâ ŋana Maro Njalae ne vetâŋa kâ, aku kasama tu i nde vetâŋa ara warika.

⁴ Maro Njalae nde itogo mira via kâ mwasina, aku ara ŋana miki ma kalâ kamo i tini laiti. Kinzi tamâta muŋga simora i tu kelekele kaa nâ, aku sitambira lâ. Aŋga Maro Kindeni nde ilo ndo ikeno papa i kala ipatea i muŋgani lâ.

⁵ Aku miki warakami kala mine nâ katogonzi mira via kâ. Maro Kindeni nde igona miki lâ taitu ku ivetami kapâŋga katogo i tamwata ne luma mine, aku Koroani Sapâŋa imo luma ŋinde ilo. Maro Kindeni ipateami tu ma kamo i tamwata ne patarawâŋa tamâta. Aku Yesu Kirisi ikai nzâla piti pami lâ ŋana kao nemi paneâŋa

ilâ pa Maro Kindeni, itogo patarawâŋa ara i ilo papa mine.

⁶ Maro Kindeni kawa ŋgua ikeno lâ pepa tini mine tu,

“Miki kalonjo ŋga; muŋgani, naŋa apatea mira ara tonje tu ma imuŋga panzi mira rârâni ŋana isuka luma ne nzâmba kaika kâ. Naŋa ilonju ndo ikeno pa mira ŋinde. Kala ŋine naŋa ao mirani ndaina imo Jerusalem lawea. Ambo tamâta tonje ma kalo tawana i, ande muli tamâta ŋinde ma ‘ikai maŋeti ŋana i ne kalo-tawana ŋinde kâ, ande tia ndo.”

⁷ Miki kalomi tawana Yesu Kirisi, inani mira ndaina. Mine kala miki ilomi ndo ikeno papa i. Anja tamâta pinde kalonzi tawana i tia, aku Maro Kindeni kawa ŋgua ilâ panzi tamâta ŋinde mine tu,

“Mira ŋine kinzi tamâta ŋana sipa luma kâ situ nde sakamao kala sitambira lâ, ande mirani ndaina ipâŋga mira ara ŋana isuka luma ŋgaŋe kaika kâ.”

⁸ Aku Maro Kindeni kawa ŋgua tonje kala ikeno lâ pepa tini mine tu,

“Tamâta rârâ ma sipu kenzi lâ mira ŋine tini, aku ma patanzi sindue ku sipayaula lâ.”

Kinzi tamâta ŋinde muŋga taŋanzi kaika pa Maro Kindeni kawa ŋgua. Mine kala sipu kenzi lâ mira ŋinde aku patanzi sindue lâ. Muŋgani Maro Kindeni ipatea tu vetâŋa mine ma ipâŋga panzi tamâta ŋinde.

⁹ Taitu Maro Kindeni ipatea miki tu ma kamo i tamwata ne tamâta. Miki kamo Koipu Njalae

Maro Kindeni ne patarawâŋa tamâta, aku kamo i tamwata ne ŋgu sapâŋa. I ipatea lâ tu miki ma katula ŋgua pwataki panzi tamâta ndoni ŋana vetâŋa arara rârâni i muŋga iveta pami ŋinde. Ina muŋga isarawami tu kapile kondoma ŋinde muŋga miki kamo ilo, aku kalâ kamo lâ i ne sinâla ara ŋinde ilo.

¹⁰ Nanayoni, miki ŋandai kamo Maro Kindeni ne ŋgu. Andeta kala ŋine miki kamo i ne ŋgu. Muŋga Maro Kindeni ne kalo-sukâŋa imâ pa miki tia yo, andeta kala ŋine i ne kalo-sukâŋa nde imâ pami lâ.

Kinda ma tapakatona sondo ŋana nenda vetâŋa kâ

¹¹ Niŋgu-nambwe wukale, miki kamo tâno ŋine kulu katogonzi tamâta lombo mine. Mine kala naŋa ano pami tu miki ma kapu mulimi pa tamâta nâ nenzi ilo-kalo sakamao. Ilo-kalo ŋinde uru ikai kazâŋa pa ilomi kalomi.

¹² Naŋa ilonŋu tu miki ma kapakatona sondo ŋana nemi vetâŋa kâ lâ kinzi tinikoa ŋgininzi. Ambo miki ma kapaveta kuku vetâŋa ara nâ, ande lâ zo ndia kinzi situ sisowe ŋgua laŋeŋa lâ tinimi tu miki uru kaveta vetâŋa sakamao nâ, ande kinzi ma simora nemi vetâŋa ara. Niŋeŋga muli, lâ zo ŋinde Maro Kindeni ma itaulo imâ kilo ŋana ionzi tamâta lâ ŋgua nia, ande kinzi tamâta ŋinde ma sisuka i ŋa kâki.

¹³ Miki kalomi tawana Maro Njalae. Mine kala miki ma kapatawa warakami tinimi ku kapono muli pa kinzi koipu rârâni nenzi ŋgua. Miki

nemi koipu n̄alae lâ tâno n̄ine kulu nde imo tamâta n̄alae ndo.

¹⁴ Aku miki ma kaponu muli pa koipu n̄alae ne dumui kawanzi n̄gua tona, kinzi tamâta n̄inde simo mbâna-mbâna lâ lawea lawea. Koipu n̄alae isupwanzi silâ n̄ana sipare nia panzi tamâta ea siveta vetâna sakamao, aku isupwanzi n̄ana siporo n̄gua ara n̄ananzi tamâta ea siveta vetâna ara.

¹⁵ Maro Kindeni ilo tu miki ma kaveta vetâna ara nâ, n̄ana tu miki nemi vetâna ara n̄inde ma itoto n̄gua soki-soki ndia kinzi tamâta kapa-kapa uru siporo pami n̄inde.

¹⁶ Yesu Kirisi ipalalana kiesaka ne nimbu piti lâ tinimi lâ, kala miki kamo tinimi soo nâ. Taitu miki ma ilomi tu miki kamo n̄alan̄ala kala kapolenzi kinzi koipu, mine ndimo. Ara n̄ana miki ma kamo katogonzi Maro Kindeni ne wurâta tamâta mine.

¹⁷ Miki ma kaveta kemi ara nâ panzi tamâta rârâni, aku ma tinimi mwasa ndo panzi ninda-nambwe kalo-tawana tamâta. Miki ma kapare tukumi pa Maro Kindeni nâ, aku kamege n̄ananzi koipu n̄alan̄ala.

Kinda ma takai nâna, itogo Kirisi mun̄ga ikai mine

¹⁸ Kala n̄ine nāa aporo n̄gua imâ pa miki tamâta ea uru kaveta wurâta koa tia nâ panzi tamâta n̄alan̄ala. Nāa apaimi tu miki ma kamege ndo n̄ananzi nemi tamâta n̄alan̄ala, aku kaponu muli pa kawanzi n̄gua. Miki ma kaveta mine panzi tamâta n̄alan̄ala n̄inde uru siveta

vetâŋa ara pami, aku kaveta mine nâ panzi tamâta ŋalaŋala ŋinde uru nâna silami tona.

¹⁹ Ambo tamâta tonje ilo tu ipono muli pa Maro Kindeni, aku ŋana duvi ŋinde kâ kinzi tamâta ŋalaŋala nâna silua i koa tia nâ, ambo i ma imandi kaika ku ikai nâna ŋinde, ande ŋinde ma ara ndo.

²⁰ Taitu miki kaloŋo ŋga; ambo tamâta tonje iveta vetâŋa potomule, aku ŋana duvi ŋinde kâ kinzi tamâta ŋalaŋala sipu i, ambo i ma imandi kaika ku ikai nâna ŋinde, ande ea ma ilo ara papa i, a? Tia ndo! Anŋa tamâta ea iveta vetâŋa ara, ambo kinzi tamâta ŋalaŋala ma nâna silua i ŋana i ne vetâŋa ŋinde kâ, ambo i ma imandi kaika ku ikai nâna ŋinde, ande Maro Kindeni ma ilo ara nâ papa i.

²¹ Nanayoni, Maro Kindeni ipatea tu miki ma kakai nâna mine ŋana nemi vetâŋa ara kâ, ŋana tu muŋga Kirisi tamwata kala ikai nâna mine nâ ŋana ivila miki kâ. Kirisi itula nzâla ŋinde pami lâ, ŋana miki kala ma koka i ne vetâŋa muli.

²² “I iveta kiesaka tonje tia ndo, aku iporo ŋgua laŋeŋa tonje, ande tia ndo kanaŋo.”

²³ Kinzi siporo ŋgua potomule kie-kie papa i, andeta i ŋandai itu ŋana nenzi ŋgua soki-soki ŋinde kâ. Kinzi nâna silua i, andeta i ŋandai iporo ŋgua taulo panzi tu i ma muli izavarunzi. Ipauwo tamwata lâ Maro Kindeni mbau ilo, inani uru ilea sondo pa tamâta nenzi vetâŋa ku ipare nia sondo panzi.

²⁴ Kirisi itâra lâ kâi popole tini, aku lâ zo ŋinde ikai nenda kiesaka lâ i tamwata tini. Aku ŋana i ne vetâŋa ŋinde kâ, ande kinda takura tu tapu

mulinda pa kiesaka ne vetâña rârâni, ku taponu muli pa vetâña ara ndia Maro Kindeni ilo papa ñinde. I ikai nâna ñalae tina, aku i ne nâna ñinde iveta miki kamo ara nâ.

²⁵ Muñga miki rârâni kamo katogonzi lama sisapiri ku simo potomule mine. Taitu kala ñine miki kataulo kalâ pa Kirisi marumbu lâ, inani uru ikatonami wa ikea ñanami, itogo lama nenzi katonâña tamâta uru iveta mine.

3

Ngua ilâ panzi tamâta ñinde sipakâe lâ

¹ Aku miki taine kala ma kalomi ñgere ñana Maro Ñalae ku kaponu muli sondu nâ pa kaiwami kawanzi ñgua. Kinzi pinde ñandai kalonzi tawana pâri ara ñana Yesu Kirisi kâ. Ambo miki ma kaponu muli pa nenzi ñgua, ande kinzi ma simora nemi vetâña ara ñinde, ku ma sipalele ilonzi kalonzi tâ. Ñineña wurâta tonje ma keno pami ñana kaporo ñgua panzi tu igagati nenzi kalo-tawana kâ, ande ma tia.

² Kinzi ma simora tu miki uru kamege ñananzi, aku ma simora tu nemi vetâña rârâni nde ara ndo lâ Maro Kindeni nao. Aku ñana duvi ñinde kâ, kinzi ma kalonzi tawana Maro Ñalae.

³ Miki taine ea ilomi tu kinzi tamâta ma ilonzi ara pami, ande miki ma kaveta wurâta ñalae koña ñana kasingara tinimi kâ ndimo. Mâsi ñana kawutira kulumi wa kasingara tinimi lâ mira “gol” tava lalava ara wa, ande mâsi ñinde nde kaa nâ.

⁴ Ara ñana miki ma kasingara warakami ilomi kalomi nâ. Mâsi ñana kamo mwasa nâ kunzi

tamâta rârâni nde itogo siŋgâra ara mwasina, aku siŋgâra mine nde ŋana marumbu kê, ande tia. Siŋgâra kie mine nde ara ndo lâ Maro Kindeni nao.

⁵⁻⁶ Kinzi taine muŋgâŋa kala siveta vetâŋa kie taituni ŋana sisiŋgara ilonzi kalonzi. Kinzi uru sio tininzi pa Maro Kindeni tu ma iveta ikura ne ŋgua pâŋa mine, aku sipono muli pa kaiwanzi tamâne nenzi ŋgua. Naŋa aporo ŋananzi timbunda taine ŋinde muŋga simo tava ilonzi kalonzi mbâra-mbâra lâ Maro Kindeni nao, sitogo Abraham kaiwa taine Sara mine. Sara ipatawa taine tini ku ipono muli pa Abraham ne ŋgua nâ, aku ipatu Abraham ŋa tu, “Nanenŋu tamâta ŋalae”. Ambo miki ma kaveta vetâŋa ara mine, aku karuru tia, ande miki ma kamo katogo Sara natu wukale mine.

⁷ Aku miki tamâne kala mine nâ, miki ma kamo sondo nâ kunzi kaiwami taine. Miki kasama tu kinzi taine nenzi walo nde ŋalae koŋa tia. Mine nde miki ma wisimi ara panzi ku kaveta kemi ara nâ panzi. Ŋana tu miki kasama ŋine: Maro Kindeni, ina wisi-wisi warika, ma via mao ilua kinzi taine wa miki tamâne wa, ŋana miki rârâni ma kamo viami mine ku kamo nâ. Ambo miki ma kamo sondo mine kunzi kaiwami taine, ande sâ tonŋe ma ikura ŋana ipono miki nemi noŋa nao, ande tia.

Ikura zo zo kinda ma taveta vetâŋa ara nâ panzi tininda pinde

⁸ Kala ŋine naŋa atu aporo ŋgua tonŋe kilo, ŋinenŋa nanenŋu ŋgua ma marumbu lâ. Naŋa iloŋgu tu miki rârâni ma kamo ilomi kalomi

taitu, ku ma kalomi sukâŋa ŋananzi tamâta rârâni. Miki ma tinimi mwasa ndo panzi nimi-nambwe kalo-tawana tamâta, aku kasukanzi ŋana sikale nenzi malia kâ. Aku miki ma kapatawa warakami tinimi tona.

⁹ Ambo tamâta pinde ma siveta soki pami, ande miki ma katu ŋana ŋinde kâ taulo panzi ndimo. Ambo siporo ŋgua soki pami, ande miki ma kaporo ŋgua soki taulo panzi ndimo. Miki ma kakatu nenzi vetâŋa ŋinde taulo panzi mine; miki ma kano pa Maro Kindeni tu ma iveta kie ara nâ panzi, ikura i ne pateâŋa mine. Ambo miki ma kaveta mine, ande i kala ma iveta kie ara pa miki warakami mine nâ.

¹⁰ Ŋana tu Maro Kindeni kawa ŋgua ikeno lâ pepa tini mine tu,

“ ‘Ambo miki ilomi tu ma kamo ara nâ, aku ilomi tu ma kamo viami tava ndekâŋa nâ ikura zo luandondo, ande nzâla ikeno mine: miki ma kapile mâsi ŋana kaporo ŋgua sakamao wa ŋgua laŋeŋa wa;

¹¹ miki ma kapu mulimi pa vetâŋa sakamao, aku kaponu muli pa vetâŋa ara nâ; aku miki ma kakai wurâta kaika ŋana kamo ilomi kalomi taitu kunzi tamâta rârâni.

¹² Ŋana tu Maro Ŋalae ikea ŋananzi tamâta ea sipaveta kuku vetâŋa ara, aku ipaloŋo pa tamâta mine nenzi noŋa. Taitu i ne wisi-nâna ikeno panzi tamâta ea uru siveta vetâŋa sakamao.”

Ambo kindi ma taveta vetâŋa ara, aku takai nâna ŋana, ande ŋinde ma ara

¹³ Ambo miki ilomi tu kaponu muli pa vetâŋa ara nâ, ande ea ma ikura ŋana nâna ilami, a?

¹⁴ Andeta kalonjo nga; ambo miki kaveta vetâña ara, aku miki kakai nâna ñana vetâña ñinde kê, ande miki ma kandeka nâ. Miki ma karuru wa ilomi rârâ ñana vetâña soki ndia kinzi situ siveta pami ñana nemi vetâña ara kê, mine ndimo.

¹⁵ Ara ñana miki ma kao ilomi ndo ilâ pa Kirisi, aku kalomi tawana tu i imo nemi Maro Njalae. Aku ara ñana miki ma kapaveta ilomi kalomi sondo ikura zo zo ñana katula nemi kalotawana ñinde ne duvi pwataki pa tamâta ea itu ikasonami ñana. Taitu miki ma katula ñgua ñinde mwasa nâ panzi, aku kaporo ñgua ara nâ.

¹⁶ Ambo miki ma kapakatona warakami sondo ñana nemi vetâña rârâni kê, ñinennga lâ zo ndia kinzi situ miki lagnami ku siporo ñgua soki ñana vetâña ndia nemi kalo-tawana igagatimi ñana kaveta kê, ande kinzi ma mainzi ñana nenzi ñgua ñinde kê.

¹⁷ Ambo Maro Kindeni ne pateâña ikeno tu kinda ma takai nâna ñana vetâña ara tonje kinda taveta, ande ñinde ma ara. Taitu miki kalonjo nga; ambo kinda takai nâna ñana vetâña potomule tonje kinda taveta, ande ñinde ma ivila kinda tia.

Kirisi imâte lâ, ñinennga imandi imo via kilo ñana ikai kinda talâ pa Maro Kindeni kê

¹⁸ Miki kalomi ñgere ñana Kirisi kê. I imo tava ilo mbâra-mbâra ndo lâ Maro Kindeni nao, ne soki tonje tia. Taitu ikai kinda kiesaka tamwatânda rârâni niânda, aku imâte ñana izavaru nenda kiesaka piti kê. Aku i ne mateña ñinde ikai kinda talâ pa Maro Kindeni. I imâte

mbwani taitu nâ, aku vetâña mine ma ipânga kilo, ande tia ndo. Lâ zo ñinde Kirisi imo lâ tâno kulu, ande i imo tamâta, aku kinzi kazâña tamâta sipu i pâta imâte lâ. Andeta Koroani Sapâña ipaño i imandi imo via kilo.

¹⁹ Nia ndoyo, Koroani Sapâña isuka Kirisi ñana ilâ pa luma sakamao nia tu ma itula ñgua panzi korananzi pinde.

²⁰ Ñinde nde tamâta pinde korananzi, kinzi ñinde muñga siveta taña-kaika lâ timbunda Noa ne zo. Lâ Noa ne zo, ande mâsi sakamao nde ipânga more-more ñalae tina, andeta Maro Kindeni ipare nia panzi tamâta ñinde walele tia. I io tini ku imo lee, ikura lâ zo ñinde Noa isape ne wânga ñalae marumbu lâ. Ñinenğa ngu mota-mwata nâ sikâki simo wânga kulu, kala simo ara nâ lee pondi ñalae marumbu lâ. Kinzi tamâta ñinde kambwanenzi ipânga lâ lima kanaanzi ñato.

²¹ Pondi ñalae ñinde nde itogo lââ-liliña mwasina. Kala lâ zo ñine, ande lââ-liliña nde nzâla ñana Maro Kindeni ikai kinda talâ pa i. Maro Kindeni ipaño Yesu Kirisi imandi lâ mateña nianzi imo via kilo, aku vetâña ñinde ikai kinda piti lâ kondoma ilo. Kinda ñandai takai lââ-liliña ñinde ñana tapua muso piti lâ tininda ñga. Ñinde nde ñana tatula pwataki tu kinda tamo ilonda mbâra-mbâra ndo lâ Maro Kindeni nao.

²² Kala ñine Yesu Kirisi nde imo samba ilo isañona pa Maro Kindeni tini pa wia kê. Aku i ikai Maro Ñalae panzi aņelo rârâni sitavanzi kinzi koroani kaika rârâni simo samba lawea.

4

Kinda ma tapu mulinda pa ilo-kalo singa ne vetâña

¹ Mine kala ara ñana miki ma kapaveta sondo ñana kakai nâna, itogo Kirisi muñga ikai lâ karae tini mine. Ambo tamâta tonje ma ikai nâna ñana vetâña ara tonje i muñga iveta, ande kiesaka ma ikura tu isaña tamâta ñinde kaika kilo, ande tia.

² Mine nde lâ zo ñana tamâta ñinde imo via lâ tâno kulu, ande i ma ipono muli pa tamâta nenzi ilo-kalo potomule kilo, ande tia. I ma ipono muli pa Maro Kindeni ne pateâña ara ñinde nâ.

³ Muñga miki kaveta vetâña ndia kinzi tinikoa uru ilonzi papa ñinde. Miki kapalulua tinimi potomule wa, ilomi yosi ñana kaveta vetâña sakamao kie-kie wa, kanu lââ kaika ñana dadauña kâ wa, kaveta kiesaka kie-kie lâ kâña-nuña ñalañala wa, kaveta mâsi sakamao ñana kapare tukumi kawâñgi panzi maro lañeña wa. Andeta lâ zo ñine nemi mâsi singa ñinde nde marumbu lâ.

⁴ Miki kapile tinikoa nenzi vetâña potomule ñinde rârâni marumbu lâ. Mine kala kinzi tinikoa ilonzi rârâ ñana ñinde kâ, aku simo siporo ñgua sakamao imâ pami.

⁵ Andeta muli ñga kinzi ma simandi lâ Maro Kindeni ne ñgua nia, aku ma sipatula warakanzi nenzi vetâña soki-soki rârâni pwataki papa i. I nde ñgua-samâña tamwata, aku ipaveta sondo lâ ñana ipare nia panzi tamâta rârâni, kinzi vianzi wa mateña wa.

⁶ Njana tu pâri ara ilâ panzi tamâta pinde simo lâ zo muṅgâṅa rârâni. Lâ zo njana kinzi simo vianzi yo, ande tininzi pinde sivaliginzi njana nenzi kalo-tawana kâ. Andeta kinzi sio nenzi kalo-tawana ilâ mao nâ papa Maro Kindeni lee simâte lâ, kala njine simo vianzi nâ kuku i.

Kinda ma taveta vetâṅa ndia Maro Kindeni ipatea pa kinda tu taveta

⁷ Zo mbuku taitu nâ keno mo njai yo, njineṅga tâno ne vetâṅa tava ne kelekele rârâni ma marumbu lâ. Mine nde ara njana miki ma kalomi njgere sondo ndo, aku kapakatona warakami njana nemi vetâṅa kâ. Ambo miki ma kaveta mine, ande miki ma kakura tu kakai noṅa sondo pa Maro Kindeni.

⁸ Andeta vetâṅa taitu nâ nde kelekele njalae tina, aku ipolenzi vetâṅa arara pinde rârâni. Vetâṅa njinde nde mine; miki ma kao ilomi ndo ilâ panzi nimi-nambwe kalo-tawana tamâta. Ambo miki ma kapaveta sondo kuku vetâṅa njine, ande miki ma wisimi nâna njana vetâṅa soki ndia siveta pami, ande tia.

⁹ Miki ma kanonzi kalo-tawana tamâta pinde tu ma simâ sika kumi wa simo nemi luma ilo wa. Miki ma wisimi nâna njana kaveta mine kâ ndimo.

¹⁰ Maro Kindeni walo kaika ilua miki rârâni taitu-taitu njana kaveta wurâta ara tonṅe. Njine nde itogo wisi-ara ilua miki njana kasukanzi tinimi pinde kâ. Mine nde miki ma kapakatona sondo nâ njana kaveta wurâta njinde.

¹¹ Ambo tamâta tonṅe ikai wisi-ara njana itula njgua kâ, ande ara njana i ma itula Maro Kindeni

tamwata kawa ɲgua sonɖo nâ. Ambo tamâta tonɲe ikai wisi-ara ɲana ikai kuleɲa panzi tini pinde, ande ara ɲana i ma iveta mine lâ Maro Kindeni ne walo ndainani nâ. Ambo miki ma kaveta mine, ande kinzi tamâta ma simora nemi vetâɲa arara ɲinde, ku ma sipanea Maro Kindeni lâ Yesu Kirisi ɲa. Inani Walo Tamwata, aku i ɲa nde ɲalae ndo, uru imo mine ku imo nâ. Mao.

Ambo kinda ma takai nâna tatogo Kirisi mine, ande kinda ma tandeka nâ

¹² Niŋgu-nambwe wukale, malia ɲalae tonɲe nde imâ ipâɲga pami lâ, aku ɲinde nde ɲana ikai samâɲa pami. Taitu miki ma wisimi motu ɲana samâɲa ɲinde ndimo, ɲana tu ɲinde ɲandai kekelele wasaseki ɲga.

¹³ Miki kakai nâna ɲana samâɲa ɲinde kê, itogo muɲga Kirisi ikai mine. Mine nde miki ma kandeka nâ. Niɲeɲga lâ zo ɲana Kirisi ma itaulo imâ kilo tava ne walo ɲalae, ande ndekâɲa ɲalae ndo ma ipâɲga lâ ilomi.

¹⁴ Miki nemi kalo-tawana nde ikeno pa Kirisi nâ. Ambo tamâta pinde ma siporo ɲgua soki pami ɲana nemi kalo-tawana ɲinde kê, ande miki ma kandeka nâ, ɲana tu Maro Kindeni ne Koroani ara ɲinde imo kumi.

¹⁵ Ambo tamâta pinde ma nâna silami, ande ara ɲana miki ma kalomi ɲgere sonɖo ɲana nenzi vetâɲa ɲinde ne duvi kê. Ambo miki muɲga kapu tamâta tonɲe pâta imâte tâku, kapanawe tamâta tonɲe ne kekelele tâku, kalaɲa kapole ɲgua tukuɲa tâku, kayaula tamâta tonɲe ne wurâta tâ, aku kakai nâna ɲana nemi vetâɲa

mine, ande miki ma maimi nana nemi nana ninde kâ.

¹⁶ Andeta miki kalonjo nga; ambo miki kalomi tawana Kirisi, aku nana duvi ninde kâ tamâta pinde nana silami, ande miki ma maimi ndimo. Ara nana miki ma kandeka ku kawami ndange nâ papa Maro Kindeni, nana tu njoa ara ikeno lâ tinimi tu, "Yesu Kirisi ne tamâta".

¹⁷ Maro Kindeni ne zo nana ma ionzi tamâta rârâni lâ i ne ngua nia, ande imâ ipânga laiti lâ, aku i ne tamâta kinda ma tamunga panzi tamâta rârâni nana tamandi lâ ngua nia. I ma ilea sondo pa kinda munga lâ nga, andeta i ma kulu ara nâ ilua kinda. Mine kala vetâna sakamao ndo ma ipânga panzi tamâta ninde sipu mulinzi pa Maro Kindeni ne pâri ara.

¹⁸ Maro Kindeni kawa ngua ikeno lâ pepa tini mine tu,

"Tamâta pinde uru siveta vetâna ara lâ Maro Kindeni nao, taitu kinzi tamâtani ndaina ma sikai nana kie-kie lee, ikura lâ zo ninde Maro Kindeni ma ikainzi piti lâ kazâna ilo ku via mao ilanzi. Mine kala i ma igeranzi kinzi kiesaka tamwatanzi ninde munga sipu mulinzi pa Maro Kindeni, ande tia ndo!"

¹⁹ Mine nde miki kalonjo nga; ambo Maro Kindeni ipatea tu tamâta tonje ma ikai nana, ande ara nana tamâta ninde ma ipaveta kuku vetâna ara nâ, ku io ne kalo-tawana ilâ pa Maro Kindeni simbo nâ. Maro Kindeni inani nia ndoyo iveta kinda tapânga, aku i uru iveta ikura ne ngua pâna rârâni.

5

Kinzi katonâña nenzi wurâta nde ñana sikatonanzi Maro Kindeni ne tamâta

¹ Kala ñine naña ilonngu ñgua imâ pa miki kalo-tawana tamâta ñgu nemi katonâña. Naña warakângu kala amo katonâña, atogo miki mine, aku muṅgani naña warakângu matângu amora Kirisi ikai nâna. Zo imâ ipânga laiti lâ ñana Kirisi kilala tava ne walo ñalae ma ipânga nia yo. Aku lâ zo ñinde, ande i ma iveta kie ara pa naña tona.

² Naña warakângu nde ñgu nenzi katonâña, atogo miki mine. Mine kala naña ano kaika pa miki katonâña tu miki ma kakatonanzi Maro Kindeni ne tamâta sondo, itogo lama nenzi katonâña tamâta uru ikatonanzi lama mine. Ñana tu Maro Kindeni tamwata io ñgu ñinde lâ mbaumi ilo ñana kakatonanzi kê. Aku ara ñana miki ma kandeka nâ ñana kaveta wurâta ñinde, ikura Maro Kindeni ilo papa mine. Miki ma tinimi pwâka ñana kakatonanzi ndimo, aku ma ilomi ñalae koña ñana kakai mbumbu lâ nemi wurâta ñinde tini ndimo. Ambo miki ma ilomi ara nâ ñana kaveta wurâta ñinde kê, ande ñinde ma ara ndo.

³ Miki ma katawanzi tamâta ñinde Maro Kindeni muṅga ionzi simo kalomi, itogo kinzi koipu ñalañala uru siveta, mine ndimo. Ara ñana miki ma katula vetâña ara nâ panzi kalotawana tamâta ñinde, ñana ma simora ku sipaveta kuku.

⁴ Ambo miki ma kaveta mine, ñinenga lâ zo ñana Yesu Kirisi ma ipânga nia yo, inani imo

mbâna-mbâna panzi katonâŋa rârâni, ande miki ma kakai kulu ara ndo. Aku kulu ara ŋinde nde ŋana marumbu kê, ande tia. Ŋinde nde ŋana ikeno mine ku imo nâ.

Kinda ma tapatawa warakânda tininda, ku tapakatona sondo

⁵ Aŋga miki tamâta limoa, miki kala ma kaponu muli mine nâ pa kinzi tamâta mbâna-mbâna nenzi ŋgua. Maro Kindeni kawa ŋgua ikeno lâ pepa tini mine tu,

“Maro Kindeni ikai kazâŋa panzi tamâta ea sipasuka warakanzi nâ tininzi. Aŋga i ne wisi-wisi ikeno panzi tamâta ea sipatawa warakanzi tininzi.”

Mine kala ara ŋana miki rârâni, miki koŋa wa lâlu wa, ma kapatawa warakami tinimi lâ kinzi kalo-tawana tamâta rârâni naonzi.

⁶ Mao nâ, ambo miki ma kapatawa warakami tinimi lâ Maro Kindeni nao ku kamo i ne walo kaika nâ kalo, ŋineŋga lâ zo ndia i tamwata ipatea lâ, ande i ma isuka miki kêki.

⁷ Maro Kindeni imagegea miki sondo nâ. Mine nde ara ŋana miki ma kao nemi malia rârâni lâ i kala, ŋana ma ikale pami.

⁸ Miki kalomi ŋgere sondo ŋga, aku kapakatonu sondo! Sadana nde imo nemi kazâŋa tamâta, aku imo itogo mbwâmbwa saka leve mine. I uru isuŋa kawa kaika nâ, aku iyoka ilâ wa imâ wa, iroroto ŋana tamâta tonje tu izavaru kê.

⁹ Miki kasama tu lâ tâno ndoni, nimi-nambwe kalo-tawana tamâta uru sikai nâna kie taituni nâ ŋana nenzi kalo-tawana kê, itogo miki uru kakai

mine, aku kinzi simandi kaika nâ. Mine nde miki ma kalomi tawana Maro Kindeni kaika ndindi nâ, aku kakai kazâŋa pa Sadana.

¹⁰ Maro Kindeni nde wisi-wisi warika, Miki kapaipa kuku Yesu Kirisi lâ, aku ŋana duvi ŋinde kâ, Maro Kindeni isarawami muŋgani lâ tu ma kamo taitu kuku i tamwata, ma kamo ara mine ku kamo nâ. Taitu miki ma kakai nâna ikura zo mbwana-mbwana nâ muŋga lâ ŋga, ŋinenŋa Maro Kindeni tamwata ma iveta miki kamo ara kilo, aku ma walo kaika ilami, ŋana miki ma kakura tu kamandi kaika ku kaponu muli sondu pa i.

¹¹ Nenda paneâŋa ilâ pa i, ŋana tu ikai walo kaika rârâni marumbu lâ, ma imo mine ku imo nâ. Mao.

Ngua kaŋa pinde

¹² Sailas nde ikai kuleŋa pa naŋa, kala iŋgere nanenŋu ŋgua mbuku taitu ŋine lâ pepa tini. I nde ninda-nambwe kalo-tawana tamâta mao kanaŋo. Naŋa ilonŋu tu apu tini kaika pa miki ilomi kalomi. Naŋa asama tu vetâŋa rârâni ŋinde Maro Kindeni iveta pami, ande ŋinde nde ŋana itula pwataki tu i ilo ndo ikeno pami. Ambo miki ma kalomi ŋgere sondu ŋana ŋinde kâ ku kamandi kaika, ande ŋinde ma ara ndo.

¹³ Miki nimi-nambwe kalo-tawana tamâta simo Babilon lawea ŋine, * kinzi ŋinde kawanzi kari ara pami. Kinzi kala simo Maro Kindeni ne pateâŋa tamâta, sitogo miki mine. Aku Malaka kala kawa kari ara pami tona. Malaka nde itogo naŋa natuŋgu mine.

* **5:13** 13 Ŋine nde ŋgua siâŋa. Petero iporo ŋana Rom lawea.

¹⁴ Naŋa ilonŋu tu miki rârâni ma kapatâŋo mbaumî ku kaporo kari ara panzi kalo-tawana tamâta rârâni. Vetâŋa mine ma itula pwataki tu miki ilomi ndo ikeno panzi. Miki kapaipa kuku Kirisi lâ, kala i ne wisi-pisi imâ pa miki rârâni.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 28 Dec 2024 from source files dated 31 Aug 2023

b3b81168-89df-5bc3-8b0c-cf72ef93d3de